

01 我若是會曉飛

陳富 2019/07/13

每一個人攏有夢想，我嘛共款，我咧想若是會曉飛毋知欲佱好。

若是會曉飛，隨時欲佱思念的親人見面就真簡單，抑是過年過節欲轉去故鄉團圓就毋免為著坐車咧共人狹來狹去，佇遐煩惱買無車票，有當時擱會佇高速公路頂塞車，欲上便所著無方便喔；我若會飛，欲飛來天堂尋我日夜思念的阿母，誠久無食伊煮的飯、誠久無聽到伊咧叫阮的名，阮真孝念伊，毋知伊佇遐過了好無？會孤單無？

若是會曉飛，就會凍自在飛來環遊世界，看到各國景色的千變萬化，冰山雪山的神奇造化，來去看人造出來的萬里長城。嘛會使來拜訪故事冊裡底美人魚的故鄉、美國的大峽谷擱來看倫敦的鐵橋有影落落來無？

我若是會曉飛，欲帶所有的囡仔自由自在佇天頂飛，佱雲做朋友創造各種動物的模樣來耍、佱天星覓相揣；嘛會使拜訪外星人，看伊的科技產品到底佱厲害，我想欲佱外星人合作，建設一間太空病院，只要地球無法度救治的身苦病痛，攏會凍坐飛船來治療。而且不時向地球傳送清氣空氣，予生活佇地球的人有美好的環境，吸收健康的氣味，脫離痛苦。

我若會曉飛，會使佇發生山崩地裂地動的時陣，及時飛去鬥救人嘛會凍送食的用的物資補給需要，順繼安慰災民佱無家可歸的人；親像台灣的 921 地動 日本 311 的海水倒激因為走山 淹水所以交通袂通攏造成搶救的困難死傷誠嚴重。若會飛隨時飛去救人爭取活命的機會，

我若是會曉飛，飛來四界食好料，食四秀仔佱各地名產，人講闊嘴食四方，有毛食到棕簑，無毛食到秤錘。毋管是台灣臭豆腐 德國麥仔酒 日本壽司 北平烘鴨足濟足濟，總是予人呵嘮甲會觸舌

阮阿爸常常講，我是三斤貓咬四斤鳥鼠，袂行就想欲飛，毋過佇讀冊的時不時佱咱提醒，有夢尚水希望相隨，只要下定決心、堅持落去，相信總有一天會開花結果。

我的演講結束 感謝逐家

02 講好話，莫鬪洗

陳富 2019/07/18

咱生活的世界是人的世界，人佻人交往，佻人聯繫往往靠著言語的傳達，而且是時時刻刻咧發生的代誌，若拄到問題借口較少一點矣，對人較謙虛，講話有禮貌，這是咱愛學會曉的習慣嘛是做人的道理。

存好心講好話，所欲做的代誌才會順利，古早先人就按呢佻咱教示講：做一個領導的人咧管理國家愛佇言語上對百姓尊重，才會受人歡迎支持，千萬毋通摳洗傷人的心；佇教育上抑是校園裡嘛愛斟酌講話的氣口，捌聽電視報導某一個歹學生因為拄著一個有愛心有耐性的老師 常佻呵咾見講講好話，捷褒煞改變伊的學習態度，落尾伊誠有出脫，佇社會上常常看到冤家相拍的畫面，探討惹事的原因大部分攏是口頭上聽得袂爽就起腳動手，傷到別人嘛傷到家己。

親像洪蘭教授不佻久之前發表一篇文章，裡面講到一個少年仔坐捷運欲落車的時，看到一個老人企佇車門口，就開喙罵伊袂曉坐後班喔！米蟲擋路，規車內的人掠伊金金相，那會開嘴無好話，即時有一個中年人就講：竹仔嘛是竹筍大成的，有一工少年嘛會變老人，這個少年仔聽了就雄雄狂狂趕落車 好也一句歹也一句予人的感覺就差足濟

證嚴法師伊會開示信徒講：咱講好話就親像共人甩香水，對方香，咱嘛會噴著幾滴香味，這是咧講對人好 人也會對咱好，有影呢，人情留一線，日後好相看，我嘛捌拄著講話三角六尖，尤其是眾人面頭前按呢鬪洗，那種感覺真予人怨氣啦，嘛有發現著這種人的人緣無好，較會起衝突，俗語咧講有量才有福。

你說的話其實就是別人眼中的你，逐家攏想改變自己的命運，好好說話就是改變命運，心內想好意、喙講好話、手做好事，按呢不但予遭遇的風險降到了尚低，有當時擱會意外達到目的，好話一句三春暖惡意傷人六月寒。

03 我上期待的日子

上期待的日子，是每年的三月舉辦的神明生，神明生是民間的信仰伊提供精神上的支持，也有集合人心的力量，也是文化傳統的維持，一代一代的延續，保持著本源予咱生活有規範，攔勸人為善，俗語講：舉頭三尺有神明這嘛咧教化人毋當做歹事，歹路毋通行。

即工廟裡會布置甲足莊嚴，逐家擺會準備澎湃的食物來祭拜，嘛會邀請足濟陣頭來參與，廟埕有布袋戲、歌仔戲鬧熱滾滾，演出前愛先扮仙祈求保庇逐家平安，毋過上趣味的抑是這個灑平安錢的活動大人囝仔攏歡喜。這工無輸過年，家家戶戶攏攢甲誠澎湃，會請廚子來「辦桌」，住佇較遠的親戚朋友，嘛攏撥工來參加即個慶典，互相報平安。我兜攏佇神明生這工才會大團圓，平常時仔逐家無閒家己的工課，有的出外讀冊，有的出外食頭路，阿公常講咱規家伙欲鬥作伙，甘若阿婆生囝誠拚耶。

佇咧等候期待的日子緊來的時 心肝底有足濟欲講欲做的代誌，阿母常常笑阮講；規暝全頭路，天光欲做無半步，我會溫溫應伊講：一步棋 一步著，有目標就有收穫，阿嬤有當時會笑笑問我甘有效？我攏講有神明鬥保庇就是有效，尚無嘛求心安，阿嬤接咧講：靠山山會崩，靠人人會走，靠家己尚好，我知影愛家己先肯拍拚 神明才會予咱機會。

神明生上大場就是扛大轎撻庄頭，家家戶戶佇門口設香案、攢四果，場面有夠大，報馬仔行頭前，七爺八爺顧兩引，八人扛的大轎足威風接受信男信女的參拜，後面攏綴一大群虔誠的信徒；逐擺陣頭若經過阮兜的門歧口，阮規家伙攏真誠心咧拜，阿公攏講有燒香有保庇，我嘛舉香綴拜細聲求神明講，予阿公、阿嬤健康食百二，阿爸阿母心清無煩惱，我學業順利。

雖然期待的日子一年才一擺，毋過人咧講：做人愛立好志、發好願、有心就有福，有願就有力。